

欽定古今圖書集成經濟彙編考工典

第一百三十一卷目錄

郵莊部彙考

水經注

遊城南注 村莊

輿地記 黃真村 水香村

名勝志 鄭村

方輿紀要 通州 武清縣

長安客話 魏家村

帝京景物略 張華村

薊丘集 青莊村 金水村

燕都遊覽志 門頭村

畿輔通志 順天府 保定府 河間府 真定府 德化府 大名府 宣化府

山東通志 濟南府 兗州府 東昌府

山西通志 太原府 平陽府 汾州府 大同府

河南通志 開封府 懷慶府 衛輝府 彰德府 汝寧府 汝州府 許州府 歸德府 南陽府 汝州府 汝寧府

陝西通志 西安府 鳳翔府 漢中府 寧夏府 莊浪府 莊浪府

江南通志 江寧府 蘇州府 松江府 常州府 徽州府 寧波府 紹興府 嘉興府 湖州府 杭州府 嚴州府 處州府 衢州府 處州府

浙江通志 湖州府 金華府 寧波府

江西通志 饒州府 建昌府

湖廣通志 安陸府 德安府 荊州府 襄陽府

福建通志 延平府 汀州府 邵武府 福寧府

四川總志 成都府

廣東通志 惠州府 肇慶府 高州府 雷州府

雲南通志 臨安府 大理府

郵莊部藝文一

水襄郵記

六柳莊記

柳莊記

野莊賦

郵居雜詠序

郵莊部藝文二

移居二首

歸園田居五首

還東田宅贈朋離

浦狹郵烟度

歸田

田園樂四首

涼州郊外遊望

張谷田舍

過故人莊

宿五松山下荀媼家

之廣陵宿常二南郭幽居

寄宿田家

自漢西荆扉且移居東屯茅屋四首

從驛次草堂復至東屯茅屋二首

暫往白帝復還東屯

田舍

江郊

越溪郵居

晚到盤屋耆老家

田家

朱黃裳

明彭甫

鮑恂

劉三吾

沈廉

晉陶潛

前人

梁朱昇

陳張正見

北周庾信

唐王維

前人

儲光義

孟浩然

李白

前人

高適

杜甫

前人

前人

前人

前人

戴叔倫

盧綸

柳宗元

朱陳郵詩

郵行

雍陶城西訪友人

郵舍

題獨孤處士郵居

鄧杜郊居

郵居晏起

尋陸鴻漸不遇

郵居

陳季常所蓄朱陳郵嫁娶圖二首 蘇軾

汪溪郵舍即事

宿十里郵

題東郵西舍

賦黃葉漁郵

郵居二首

陪龍司理及白榆社諸公宿竹魚莊

滿庭芳 村莊

郵莊部選句

郵莊部紀事

郵莊部雜錄

郵莊部外編

白居易

杜牧

許渾

前人

薛逢

溫庭筠

于讀

釋皎然

朱文與可

金朋說

元何中

明沈周

袁凱

錢明相

汪道貫

明陳繼儒

欽定古今圖書集成經濟彙編考工典

第一百三十一卷目錄

郵莊部彙考

水經注

遊城南注 村莊

輿地記 黃真村 水香村

名勝志 鄭村

方輿紀要 通州 武清縣

長安客話 魏家村

帝京景物略 張華村

薊丘集 青莊村 金水村

燕都遊覽志 門頭村

畿輔通志 順天府 保定府 河間府 真定府 德化府 大名府 宣化府

山東通志 濟南府 兗州府 東昌府

山西通志 太原府 平陽府 汾州府 大同府

河南通志 開封府 懷慶府 衛輝府 彰德府 汝寧府 汝州府 許州府 歸德府 南陽府 汝州府 汝寧府 汝州府 汝寧府

陝西通志 西安府 鳳翔府 漢中府 寧夏府 莊浪府 莊浪府

江南通志 江寧府 蘇州府 松江府 常州府 鎮江府 淮安府 徐州府 揚州府 蕪湖府 太平府 安慶府 徽州府 寧國府 宣城府 太平府 安慶府 徽州府 寧國府 宣城府

浙江通志 湖州府 金華府 寧波府

江西通志 饒州府 建昌府

湖廣通志 安陸府 德安府 荊州府 襄陽府

福建通志 延平府 汀州府 邵武府 福寧府

四川總志 成都府

廣東通志 惠州府 肇慶府 高州府 雷州府

雲南通志 臨安府 大理府

郵莊部藝文一

水襄郵記

六柳莊記

柳莊記

野莊賦

郵居雜詠序

郵莊部藝文二

移居二首

歸園田居五首

還東田宅贈朋離

浦狹郵烟度

歸田

田園樂四首

涼州郊外遊望

張谷田舍

過故人莊

宿五松山下荀媼家

之廣陵宿常二南郭幽居

寄宿田家

自漢西荆扉且移居東屯茅屋四首

從驛次草堂復至東屯茅屋二首

暫往白帝復還東屯

田舍

江郊

越溪郵居

晚到盤屋耆老家

田家

朱黃裳

明彭甫

鮑恂

劉三吾

沈廉

晉陶潛

前人

梁朱昇

陳張正見

北周庾信

唐王維

前人

儲光義

孟浩然

李白

前人

高適

杜甫

前人

前人

前人

前人

戴叔倫

盧綸

柳宗元

朱陳郵詩

郵行

雍陶城西訪友人

郵舍

題獨孤處士郵居

鄧杜郊居

郵居晏起

尋陸鴻漸不遇

郵居

陳季常所蓄朱陳郵嫁娶圖二首 蘇軾

汪溪郵舍即事

宿十里郵

題東郵西舍

賦黃葉漁郵

郵居二首

陪龍司理及白榆社諸公宿竹魚莊

滿庭芳 村莊

郵莊部選句

郵莊部紀事

郵莊部雜錄

郵莊部外編

白居易

杜牧

許渾

前人

薛逢

溫庭筠

于讀

釋皎然

朱文與可

金朋說

元何中

明沈周

袁凱

錢明相

汪道貫

明陳繼儒

考工典第一百三十一卷

邨莊部彙考

水經注

邨

魚復戍江左岸有巴邨邨人善釀俗稱巴邨清
陽山縣西北有石塘邨側有豫章木本徑可二丈株
根猶存

平樂順流五六里東亭邨石林旁生野韭

邨城南湘陵邨有圓水廣一百步一邊冷一邊煖冷
處極清綠煖處水白且濁

遊城南注

村莊

杜光村有義善寺俗謂之杜光寺貞觀十九年建蓋
杜順禪師所生之地

仇家莊即唐宦官仇士良別業也士良死籍沒其家
後晉錫晉昌軍節度使安彥威安氏子孫世守之士
良墓碑俱存

五代周太子太師致仕皇甫元莊在趙村建隆二年
置墓在村東碑在其莊內章敬寺長安志曰在通化

門外本魚朝恩莊也後爲章敬皇后立寺故以爲名
瓜洲村俗以爲牧之種瓜之地予讀許渾集有和淮
南相公遊瓜洲別業詩淮南相公杜佑也佑三子師

損式方從郁牧之郁子也由此考之在佑已有瓜洲
別業則非牧之種瓜地明矣今村南原上有瓜洲墓
豈始有瓜洲人居此而名之耶亦猶長安縣有高麗
曲因高麗人居之而名也

司馬村今在長安城之東南

輿地記

萬歲村

桂陽縣縣有千秋水出西南萬歲山下木側民居號
萬歲村

水香村

宜城縣西六十里有水香邨唐段成式別業也
名勝志

鄭村

去樓桑村三里爲鄭村鄭道元故居也
方輿紀要

通州

高麗莊在州西十五里盧溝河所經又州西二十里
曰大黃莊州西十里曰東流村皆官軍巡哨處也

武清縣

新莊在縣西南八里亦運河所經今爲新莊鋪又縣
有八里莊正德中流賊劉六等作亂官軍擊之千八
里莊敗績

長安客話

樓桑村

樓桑村在涿州西南十五里云是漢先主故宅邨故
有三義廟祀漢先主而以關壯繆侯羽張桓侯飛配
焉

帝京景物略

張華村

固安縣東北八里有張華村村人指石井欄八角曰
故宅處

薊丘集

青菰村

盧水在帝京西南其北有村曰青菰入谷一里有何
將軍別業

金水村

金水村去帝京西南三十里清河泛濫夾岸白沙如
雪早春芳碧羅生照映大防諸山實異境也

燕都遊覽志

門頭村

門頭村去郊西八里許以其地爲西山門徑故名
畿輔通志

順天府

晉王莊 在香河縣北十五里世傳李晉王克用率
衆歸唐明宗給地一區卽此

姚莊 在涿州西里許漢桓侯張飛生于此遺址猶
存又西南十里許有侯故里居人盡張氏立祠奉祀

其謹祠前一井亭以覆之曰侯飲馬井行人呼爲張
飛店居人稱爲老爺店

樓桑村

景物略曰涿州西南十五里道右大桑高
十丈層陰如樓陰可十畝漢昭烈故居也昭烈兒時
與宗中兄戲桑下指謂帝王羽葆後因名村

相公莊

有祠

在文安縣唐工部尚書張仁憲故里有碑

邵村

在涿州西北十里康節故里

北臺村

在涿州東三里宋太祖故里今爲清涼寺

五侯村

在房山縣西南二十里漢光武封王與五
子爲侯居此

寶氏莊

在薊州東五里五代周諫議大夫寶胤

故里

令公莊 在豐潤縣西十五里宋楊業屯兵拒遼立莊於此有德於民爲立祠

保定府

藻西莊 俗呼爲稻地莊在滿城縣一畝泉旁稻稻環布竹蒲掩映劉靜修會卜居於此

沽酒村 在定興縣西有古碑云燕昭王沽酒飲樂殺處字剝蝕僅可識不知何代人所爲村由此名

駐蹕莊 在新城縣西三十五里元英宗駐蹕於此

盤古村 在完縣西北五十里分水山下相傳爲盤古氏故里邑人劉紹堯結茅其中掘得斷碣有盤古氏十月十六日生九字餘刻蝕滅

冰凍村 在深澤縣漳沱河北亦以水合而名

河間府

詩經村 在府城西北三十里毛萇設教處

賈島村 在景州西南五十里唐賈島視髮于雲蓋寺遺址尙存

龍頤村 在東光縣弓高城外卽漢封顏當孫韓說處

董學村 在故城縣西北四十里漢董仲舒下帷處

孝子村 在故城縣孝子侯秀故居

眞定府

近塚村 在定州昔漢光武爲莽兵所迫至定州忽遇耕夫令伏于溝內以土覆之得免後卽位訪求之而耕夫已沒遂培土于塚上以識焉故今之近塚村必曰陵南陵北云

杜姑村 在新樂縣東十五里宋太祖母生于此今

有遺址故名

杏錦莊 在新樂縣東南二十里孔村大杏千餘株每逢上巳花大開一望無際如錦砌霞披

扁鵲村 在南宮縣西三里史記趙簡子疾五日不知人使扁鵲治之愈因賜田四萬畝于山下有元博士康繼碑

平都村 在武強縣城東僅一舍明成祖靖難師起與守將指揮平保戰敗于此故名

平泉莊 在贊皇縣唐李德裕避息之所

石象村 在深州西北一十五里昔傳有石象數佛自五臺浮津沱而來遠近人力莫能舉深人迎之建寺因名石象村

孔賢莊 在衡水縣西北七里唐孔穎達故居

順德府

趙孤莊 在府城西北二十五里卽程嬰匿趙武處

樂卸村 在沙河縣西七十里樂將軍會卸甲于此

救駕村 在沙河縣俗訛爲九家村相傳尉遲敬德救太宗于此

柴家莊 在唐山縣北五里周世宗誕生之地

馬莊 在南和縣西三里元尚書馬亨故里

大名府

孔村 在滑縣東五十里相傳孔子適衛過此

岳村 在滑縣城南相傳朱岳武穆戰勝金人處

宣府

御莊 在雲州堡契丹主耶律賢舊居

薄家莊 在蔚州南三十里漢文帝母薄氏宗族居此

山東通志

濟南府
雲莊 在府城西北十里元中書參議張養浩休致時所居

兗州府

義田莊 在舊曲阜縣北八里曲阜尹孔克欽置此以惠族人

盤庚村 在曹縣西南二十里舊有盤庚祠後廢

戚姬村 在定陶縣北相傳漢戚夫人生于此

鄭均莊 在濟寧州南一里均仕漢爲尚書辭疾不出章帝東巡嘗幸其舍賜祿終身時人號爲白木尚書今呼東鄭莊

東昌府

馬莊 在往平縣東十里相傳馬周舊宅

魯連村 在往平縣後改爲王樓店卽魯仲連所居之地舊有祠今廢

蓋村 在臨清州南舊縣城元中丞蓋苗舊第斷碑猶存

山西通志

太原府

寄馬莊 在五縣片原驛尉遲恭寄馬于此故名

薄家莊 在代州南七里鳳山之下宋臣潘美守代州遊息所今廢

平陽府

職田莊 在襄陵縣唐郭國公耕處今齊村有譚名之地故以名村

職田

樂安莊 在蒲州東關古城東北隅宋樞密直學士薛休致仕歸築因其封郡名曰樂安

汾州府

義門莊 在石樓縣西五十里因居民晉賢六世同居元大德間旌其坊曰義門今廢

大同府

馬跳莊 在馬邑縣古傳尉遲恭龍池降馬騎至此壯馬復跳躍故名

薄家莊 在蔚州西三里俗傳漢文帝母薄氏宗族居此文帝繼統尊母為太后宗族俱隨入長安

潞安府

張仙村 在府城西十五里唐通微先生張果世家于此今子孫猶存

遼州

樂毅村 在和順縣西六十里毅靈壽人避兵此地今縣姓樂者皆其後裔

河南通志

衛輝府

君子村 在府城西北三十里蘧伯玉嘗居於此故名

河南府

象莊 在府城東相傳漢時西僧以象馱經來洛陽後化為石今石象尚存

扣馬村 在孟津縣東三十五里相傳周武王伐紂師會孟津伯夷叔齊扣馬而諫即此地

南陽府

諸葛莊 在唐縣相傳武侯遺田在桐寨鋪會犁出古碑如此云

牡丹村 在南召縣呂純陽飛劍處

汝寧府

二孝莊 在府城西漢孝子蔡順董永所居

汝州

嚴莊 在伊陽縣東俗傳嚴子陵故宅

陝西通志

西安府

皇甫村 在府治神禾原之陽鎬水北皇甫冉別業也

朱博村 在府治去杜祠三里朱博丞相故里也在

華嚴寺下北倚少陵下瞰終南

貞莊 在焦載川北枕白鹿原唐貞半千之莊

范氏莊 本唐杜岐公郊居宋熙寧中范公自侍御史出買此莊於尚書郎胡拱辰自杜至范三易主矣

今猶謂之御史莊有溪樹崑軒江間圖堂林館謂之

范公五居

三田村 在臨潼縣北田真兄弟紫荆復茂之處

蔡伯嚭莊 在藍田縣東南二十里今名蔡家灣北

關外有塚乃文姬葬處

半日村 在渭南縣東五里新豐原太平實字記此

村以山高蔽陽光僅及其半唐即士元為渭南尉

置別業於此村

魏鄭公莊 即修善村今名大賢村在澄城縣北二

十五里唐太宗所賜魏徵莊也其子孫世居宋張舜

民過此詩云兒童不識字耕稼鄭公莊

水莊 華州小敷峪水下流為東溪支分溉田居民稱曰水莊有黨氏村北為羅文橋

令狐莊 在耀州西北密洞飾以丹青人傳為令狐

絢山居明嘉靖三十四年地震洞始壞父老言寺溝

村有令狐氏祠堂七王廟側有蓮池

公孫莊 在邠州西南二十五里漢公孫賀故宅今

謂之公孫村

相公莊 在邠州西六十里進賢里隋吏部尚書牛

弘故宅

令公莊 在邠州西南六十里枝村里五代時史弘

肇故居

二王莊 在淳化縣東三十里秦王姚萇故址

鳳翔府

召村 在岐山縣西南八里有召公亭公嘗聽政于

此故有亭

伏波村 在扶風縣東四十里漢伏波將軍馬援故

居

絳帳村 在扶風縣東三十里即漢馬融故宅融設

絳帳前授生徒後列女樂弟子有三年莫見其面者

北海鄭元涿郡盧植咸出其門

漢中府

長柳村 在城固縣長柳渡有漢太尉李固墓碑銘

尚存文字剝落不可復識

章昌府

鳳凰村 在徽州西一里鳳凰山圖經以昔有鳳凰

見此唐杜甫詩云首路栗亭西尚想鳳凰村蓋指此

西枝村 在秦州去城三里嚴實玲瓏有杉漆之利

杜子美嘗欲居之故有西枝村尋置草堂夜宿贊公上室詩

慶陽府

公劉莊 在府城北三十里有腴田數畝號天子掌人莫敢墾又府南十里有西姬河公劉子姓所居

江南通志

江寧府

烏榜村 在府慶元志按圖經初立西州城未有離門立烏榜與建康分界後名其地爲烏榜村在天慶觀西

蘇州府

南村 在府越來溪西吳山下寺簿盧塔所居圖曰吳中第一林泉有御書得妙堂匾

烏夜村 在崑山縣晉穆帝何皇后父準寓此產后之夕有羣鳥夜驚于村落自後有烏徹夜鳴必有大赦

漫莊 在吳江縣處士顧禧所居禧棄官高隱鄉人重之

松江府

東莊 在府城東俞塘車墩東孫文簡承恩別業

常州府

西施莊 在無錫縣東四十里

王右軍莊 在無錫縣西北三十五里社鎮

鎮江府

陶村 在金壇縣二十七都即弘景煉丹處手植銀杏樹尚存

淮安府

韓王莊 在府故淮陰縣西北與廟驛鋪八里莊相連舊傳韓信生于此

安慶府

龍眠莊 在桐城東宋李公麟休致處嘗自繪山莊圖

徽州府

任公村 在府北四十里梁太守任昉行春至此累日不返

階村 在歙縣東百二十里孫權權孫峻奪其太子和璽殺從新都又遣使者賜死即其地也方輿志云自階村入二十里即吳縣太子和之地階跡猶存

孔靈村 在歙縣南三十里晉孔愉隱處也永嘉之亂愉避地入新安山中以稼穡讀書爲業信著鄉里後忽逸去人以爲神爲之立廟

朱村 在歙縣溪北傳是朱文公故居註四子書在村中卒業嘗與友書云註成勿先令二州見之蓋指羅鄆州舒州也見溪溪紀聞

張村 在祁門縣西十里唐金吾大將軍張志和隱此

池州府

杏花村 在貴池縣西里許唐杜牧詩云牧童遙指杏花村即此

徐州

朱陳村 在豐縣東南一百里唐白居易朱蘇軾俱有詩

湖州府

浙江通志

蓮花莊 在歸安縣學兩子昂之別業也四面陂水環繞其所水中多蓮絕爲幽勝

金華府

前溪村 在德清縣南復齋漫錄云山邊歌落日池上舞前溪唐崔顥詩舞愛前溪妙歌憐子夜長即此

寧波府

水門村 在東陽去舊城一二百步臨溪有石岸俗傳水門村遺跡通志云漢興平二年析諸暨水門村置漢寧縣即此地

太白莊 舊名太白樓在府東五里元程端禮端學改爲讀書莊即宋守胡桀所建樓也程沒莊圯至正間象山教諭張原楷僑居于茲復名

江西通志

儒富莊 在樂平縣叔翔築儒富莊縹緲湘軼不下萬卷馬廷鸞記

建昌府

老彭村 在會潭彭氏居之有老翁百餘歲

安陸府

莫愁村 在漢江西石城廬家有女子名莫愁善歌唱嘗進入楚宮後人以其名各村宋項安世詩冉冉水上雲曾聽屈宋鳴娟娟水中月曾照莫愁行王瑣詩村近莫愁連竹塢人歌楚些下蕪州

德安府

西湖村 在孝感縣西九十里俗傳朱太祖居潛日嘗因渴索酒村姥未姥持酒以進言權禁甚嚴此私

釀幸密之與金不受後太祖登極特寬西湖酒禁

東湖村 在孝感縣東宋徽宗時此村農夫視夜有

光燭天聞之於官掘地得周時九鼎貢於朝左傳楚

子問鼎之事疑遷楚地即此鼎也

荊州府

昭君村 在歸州東北四十里昭君名嬌郡人王懷

女

襄陽府

木香村 在宜城縣西六十里唐段成式別業也

福建通志

延平府

小常村 在南平縣宋時叛卒楊勛擄一民婦死節

於此

水雲村 在南平縣衍仙山之下黃裳有記

汀州府

貢士莊 在府城內郡倅黃大全創歲收所入以贍

新舊舉人赴試者今廢

邵武府

白鼠村 在郡城南舊傳常有白鼠白蛇相鬪故名

明萬曆四十三年村民掘地得白鼠七母一子五其

雄者逸去皆寶眼銀爪身如白玉

福寧州

廉村 在福安縣唐肅宗加薛令之清節勅名

四川總志

成都府

潘氏村 在內江縣內李雄築范賢館在焉

石紐村 在汶川縣境內帝王世紀曰禹生石紐邑

又元和志禹所生處今名剗兒坪

廣東通志

惠州府

梅花村 在博羅縣羅浮路側有趙雄醉憩事蘇軾

有詩

肇慶府

荔枝莊 在靈州見知州田開詩

高州府

馮家村 在茂名縣電白界以馮盎得名

雷州府

貢士莊 宋郡守薛植夫捐貲建郡人樂助者貢田

百餘畝為貢士莊凡遇舊舉子會試登途盡所積以

送行元延祐以後雷士合試于湖廣省亦是莊資給

瓊州府

學士莊 在瓊山縣西三里

買愁村 在臨高縣南宋胡銓有詩

雲南通志

臨安府

楊知州莊 在建水州城東南五里元知州楊和居

此俗呼楊時莊

大理府

饒角莊 在府城南二十里昔南詔神武王有女欲

自擇配倒坐牛背任其所之牛至一委巷老嫗家角

左右側入遂嫁其子王怒絕女後其婿於樵採處得

金磚負歸作金橋銀路以燕王王嘆曰真天婚也好

如舊因名其地曰饒角莊

村莊部藝文一

水雲村記

宋黃裳

長澗自衍峯道廣敷出田坑始從父得之於西南山
之麓取其一支停之以為沼走之以為渠蔚龍之以
酌橋跨之以渡異花奇果垂條倚實飄雲墜影在泉
之上下有雲於山朝階而暮合閒適之態虛白之象
與夫流泉相應以無心相偶以不紛俄然相得于東
西杳然相忘于得喪其孰為此者耶元豐之初余自
京師而還省余從父流水之間俯仰行坐瞻顧燕笑
及夫日落而禽還山暝而雲收援毫于壁間乃以水
雲村名之而後去自是郡人始知有水雲村之可樂
也尋春逃暑車蓋相屬越十有五年友人王公實來
京師謂余曰今為水雲村主人矣僕將益治之養生
於其間予曰子之得水雲村固可樂也其亦知水雲
村之得于平公實之為人苟可而止不為生而勞不
為名而僞遇吟而忙得酒而休方東而俄西未始而
適莫要其中平曠而惠直是水雲翁者也君歸乎哉
余後此數年亦築草堂于衍峯有釣舟于劍潭是時
水雲翁棄杖而相尋衍山居士肩簪而忽往于是兩
放相得于無情中有舞有歌有吟有謔妙思絕景不
可得而究也會歸於至無余之樂也不知水雲翁之
樂亦出于此乎然則水雲村之于我果有分哉故為
之記公實他日相從出此以為質焉鑄諸石

六柳莊記

明彭甫

沁之南一里許有山曰石樓林巒峭壁川原奧衍其
畔有田田有泉自地湧出清冽可愛一庵先生謝事
歸見而悅之自山下售田以耕泉旁誅茅作小屋數

條而植柳於前偶然得上陰之數好事者咸往往品題以爲奇異不可多得因扁六柳莊蓋取陶隱居意也時惟弘治丙辰之秋先生既得莊日攜童穉其間汲泉而灌掃石而坐客至則延以入或絃琴或賦詩或流觴曲水興而作倦而休休則謝客臥柳陰獨與烟霞爲侶陶陶然不知身世何似識者以爲李愿之盤谷王維之輞川不是過也其樂可知夫近世遊宦之士既倦於勤皆欲托身林泉以取夫登臨舒嘯之樂然得之者恆少不得者恆多以官爲家罷則無所於歸是固無足言矣間有歸焉跡其居官治理則又不過苟且祿入資溫飽所領之事會不能少有裨益甚至有航祿忘親終其身不復一顧若是者雖有林泉之樂果真樂耶非惟不樂且自愧焉先生以癸酉鄉薦授陝西鄠縣學訓導尋調浙之慈谿所至教人惓惓於彝倫名檢不爲文字章句之學故所成就者甚多九載獻績京師念二親春秋高不可迎養遂丐歸奉甘旨膝下承順顏志惟恐有違如是者蓋十餘年焉先生之心了然無少芥蒂而其所樂殆孟子所謂君子之樂者也烟霞泉石特其具耳孰與迂儒世士徒竊隱樂之名而莫知其所以爲樂者也噫天地間隱逸之處多矣造化祕之若有待焉不輕以與人也石樓去邑治甚通車輿步騎朝過夕視逾數千年莫能異顧先生一旦得之遂爲奇特且甚易焉是雖氣識過人亦其履素純正天固界之以爲息肩招隱之助始末可概以隱處論也明年丁巳春令子侍御叔淵君以予有同年好自京走書廣右請爲記予景仰先生高風且喜侍御能雅承父志遂書碑刻於

石先生名聰字克明李姓爲沁望族一庵其別號也

柳莊記

鮑恂

柳莊者崇德程君德剛之所居也在鳳鳴市之東南二里其地曰張蕩蒼莽彌野人境荒寂君作屋一區於其上旁植高柳數十本取竹與葦間以樊之其屋僅數楹樸而不華簡而不陋塗墍粉飾莫不完美又闢旁近腴田十餘畝以植嘉穀樹牆下以桑菓園蔬畦亦莫不修治不數年所植柳鬱然成陰環映空廬如在林谷行者過而望之咸指之曰此程君德剛之居也君因名之曰柳莊余去柳莊數里而近每乘輿往造君輒饒余以酒款洽數日興盡乃還君因以記請予謂柳易生之物也自君始植迄於今其雨露之所養日夜之所息一枝一葉賴以滋長至於高且大焉君所望於柳者若是而已夫惡知今日居於斯而輒以是名之也君於閒暇時輒幅巾曳短杖過所植柳下或步以嬉或憩以休或坐以嘯歌或倚以瞻眺隨所意欲悠然自適若有頃刻不忘夫柳者當是居始柳莊時不過從人之所慕而名之耳又烏知今日居干斯而有是樂也夫既著以美名而又得其所樂則所植之柳以償夫君之志者蓋亦多矣自是以往柳日益茂君之子孫日蕃以昌程氏之興必自茲始而柳莊之居不亦當矣哉君素隱德弗仕今年踰七十精明強健其享福尚未艾是宜稱之曰柳莊處士君以爲何如君聞余言喜而謝曰某不敏固不敢言然此乃所深願也余遂以是說爲記并定爲柳莊處士云

野莊賦并序

劉三吾

經濟彙編考工典第一百三十一卷都莊部

汴進士通判長沙王侯師魯孫尹倚氏投教龍門得金源時故著姓段氏遺址段輔惟德屢任憲使姑射山之麓曰芹溪一水溉田可四五都曠侯築室其上游以地之出幽蔚而曠適也宜田舍而不沮如也謂之野莊上以奉母下以友于諸兄弟非直求田問舍而已其來茶陵屬予文旣爲之記復廣其意而賦之曰

龍門之西姑射之東一木芹香界玉其中惟是溪之上游實形勝之所鍾在林樾而不幽蔚輒沮洳而特崇隆可以供野眺而寄高情于無外可以爲田舍而適雅趣于不窮何代見于偉人繇原出于仙蹤此王侯野莊之所在非世俗田廬之得同也與在昔金源則有段氏簪纓名家廟堂重器來居是莊實啓其闢華屋生存海桑換世幸地置之未歎有人傑之來繼振三槐之家聲擢春官之上第繇倚氏以投簪即是莊之畱意樹棟宇于荆榛之故墟葺田園于蕪蕪之久翳邈高風于異鄉之後來慨廢興于崇闕之一歸然後知高賢之卜居蓋以勝槩而非以地利者矣是莊也不村不郭匪市匪廛天開圖畫地占林泉棟壁葺房柱棟惠楊難雜以櫻楠之材瑩以瑤瑤之堅廣不四五之畝多不八九之棟青來幾山之園綠護一水之田岸蘭汀芷蘅郁雨餘之日團梨山柿紅白霜後之天樵青婦汲往往村巷雞鳴犬吠在在入烟侯也幅巾藜杖勝日佳時或依巖開畊或臨流賦詩但見良苗交風遠近一碧亦既穎秀亦既堅實奄觀鉅艾畢是稼穡竭三時之辛勸事一日之燕集斯雞豚之有社亦人情所共適此則野莊人平居所藉乎耕之

第七九一屬之○四葉

力及其鳴鶴入谷驚刺交舉負疾力辭蒙恩見許還家教乎龍門講道擬乎御魯恨孔笑之未貽由及門之房杜雖繫匏于禮曹恆馳情于莊所此則野莊人前後所異乎出處之故潘與上壽四時杯酌絲衣翩躚膏庭酬酢母見子兮怡愉子喜母兮豐饌願椿松令遐齡永康強兮勿藥則是莊之居本以奉母而始作五人兄弟平居鴈行壘篋迭奏棣華相望問起居今母所具甘旨兮上堂願友于今勿替使母心分樂康則是莊之居又以友乎兄弟而不可忘抑人知侯之野莊其畊以田而不知侯之墨莊其畊以舌也當河汾之授徒紛紜佩之雲集聞歲奉之清俸猶賦役之所入顧此田之所收豈野莊之能敵自微登于仕塗已筆耒之久歇幸心田之克治無草茅之交塞種之以經訓之舊奮流之以伊洛之道脉耘之以克己之工夫敏之以道德之充實始循序而升堂終深造而入室則義理純熟之餘皆芻豢悅口之適斯固吾性分之墨莊人心內之安宅也又何羨乎淵明栗里所在之高風陸氏門生為莊之故迹也故為之歌曰野莊兮龍門樂此所兮王河汾宅幽兮勢廣宜爾居兮與爾田壤伏臘兮有餘上奉萱闈兮下以友于野之莊兮既久別墨之莊兮亦以歇志不遂兮奈何白髮倚門兮山之阿安得解組綬兮如淵明賢我當為侯兮續歸來篇

村居雜詠序

沈康

語云大隱居城市小隱居山林此古人志隱之分也至若不城市不山林而居鄉半村半郭一瓦一椽疏水蕭然算氣自源在大小隱之間此又賢士之所樂

飢也千秋陳子卜居于東郊者三年矣前臨曠野萬綠盈門後枕大溪市聲入耳構軒名曰墨花欄于窮窮隱隔玲瓏常閉戶嘯吟與鳥籟瀟灑相應去西數武垂楊四五株翠竹數十竿環遶屋角旁有小池菱荷錯雜萍蓼參差擬面池築室三楹長廊曲折種修篁畝許蔭蔽四隅避暑于此中作北窗義皇之想惜平志未逮也予與千秋有戚誼然不以戚誼厚而以文字交每過必旦夕流連拈題唱和尋花步月縱飲狂歌得句疾書或啼或笑亦誰亦莊不知是墨是淚是筆是花也

村莊部藝文二

移居二首

晉陶潛

甘欲居南村非為卜其宅聞多素心人樂與數晨夕懷此頗有年今日從茲役散廬何必廣取足蔽牀席鄰曲時時來抗言談在昔奇文共欣賞疑義相與析

歸園田居五首 錄一首

前人

少無適俗韻性本愛丘山誤落塵網中一去三十年羈鳥戀舊林池魚思故淵開荒南野際守拙歸園田方宅十餘畝草屋八九間榆柳蔭後簷桃李羅堂前曖曖遠人村依依墟里煙狗吠深巷中雞鳴桑樹巔戶庭無塵雜虛室有餘閑久在樊籠裏復得返自然

梁朱异

應生背芒說石子河陽文雖有遊遊美終非沮溺羣曰余今卜築兼以隔簷紛池入東陵水憲引北嵐雲權籬集田鷺茅簷帶野分原隔何邇逸山澤共氛氲蒼蒼松樹合耿耿樵路分朝興侯崖晚暮坐極林隱憑高眺虹蜺臨下瞰耕耘豈直娛衰暮兼得慰殷勤懷勞猶未弭獨有望夫君

浦秋村煙渡

陳張正見

茅蘭夾兩岸野燎燭中川村長合夜影水狹度浮煙收光暗鳥七分火照漁船山人不炊桂樵華幸共然

歸田

北周庾信

務農勤九穀歸來嘉一廬穿渠移水確燒桑起山田樹陰逢歇馬魚潭見酒船苦李無人摘秋瓜不值錢社雞新欲伏原蠶始更眠今日張平子翻為人所憐

田園樂四首

唐王維

採菱渡頭風急策杖村西日斜杏樹壇邊漁父桃花源裏人家

二

萋萋芳草春綠落落落長松夏寒牛羊自歸村巷童稚不識衣冠

三

山下孤煙遠村天邊獨樹高原一瓢顏回陋巷五柳先生對門

四

酌酒會臨泉水抱琴好倚長松南園露葵朝折西舍黃梁夜春

涼州郊外遊望

前人

野老纔三戶邊村少四鄰婆娑依里社蕭鼓賽田神灑酒澆芻狗焚香拜木人女巫紛屢舞羅襪自生塵

張谷田舍

儲光義

縣官清且儉深谷有人家一徑入寒竹小橋穿野花確喧春澗滿梯倚綠桑斜自說年來趁前村酒可賒

過故人莊

孟浩然

故人具雞黍邀我至田家綠樹村邊合青山郭外斜開軒面場圃把酒話桑麻待到重陽日還來就菊花

宿五松山下荀媼家

李白

我宿五松山下寂寥無所歡田家秋作苦鄰女夜春寒跪進彫胡飯月明光素盤令人慙漂母三謝不能餐

之廣陵宿常二南郭幽居

前人

綠水接柴門有如桃花源忘憂或假草滿院羅叢萱暝色湖上來微雨飛南軒故人宿茅宇夕鳥棲楊園還惜詩酒別深爲江海言明朝廣陵道獨憶此傾樽

寄宿田家

高適

田家老翁住東陂說道平生隱在茲鬢白未會記日月山青每到識春時門前種柳深成巷野谷流泉添入池牛壯日耕十畝地人間常掃一蒨茨客來滿酌清樽酒感興平吟才子詩巖際窟中藏鼯鼠潭邊竹裏隱鷗鷺村墟日落行人少醉後無心怯路岐今夜

只應還寄宿明朝拂曙與君辭

自漢西荆扉且移居東屯茅屋四首

杜甫

白鹽危嶠北赤甲古城東平地一川穩高山四面同煙霜凄野日杭稻熟天風人事傷蓬轉吾將守桂叢

二

東屯復瀼西一種住青谿來往皆茅屋淹留爲稻畦市喧宜近利林僻此無蹊若訪衰翁語須令贖客迷

三

道北馮都使高齋見一川子能渠細石吾亦沿清泉枕帶還相似柴荆即有焉斫會應費日解纜不知年

四

半落西江外參差北戶間久遊巴子國臥病楚人山幽獨移佳境清深隔遠關寒空見鷓鴣回首憶朝班

從驛次草堂復至東屯茅屋二首 前人

峽裏歸田客江邊借馬騎非尋戴安道似向習家池峽險風煙僻天寒橘柚垂築場看斂積一學楚人爲

二

短景難高臥衰年強此身山家蒸栗煖野飯射麋新世路知交薄門庭長客頻牧童斯在眼田父實爲鄰

暫往白帝復還東屯 前人

復作歸田去猶殘穫稻功築場憐穴蟻拾穗許村童落村光輝白除芒子粒紅加餐可扶老倉庚慰飄蓬

田舍 前人

田舍清江曲柴門古道傍草深迷市井地僻懶衣裳樛柳枝枝弱枇杷樹樹香鷗鷺西日照鴈翅滿魚梁

江村 前人

清江一曲抱村流長夏江村事事幽自去自來梁上燕相親相近水中鷗老妻書紙爲基局稚子敲針作釣鉤多病所須唯藥物微軀此外更何求

越溪村居

戴叔倫

年來僦客寄禪扉多話貧居在翠微黃雀數聲催柳雙清溪一路踏花歸空林野寺經過少落日深山伴侶稀負米到家春未盡風蘿間掃釣魚磯

晚到盤屋看老萊

盧綸

老翁會舊識相引到柴門苦話別時事因尋溪上村數年何處客近日幾家存冒雨看禾黍達人憶子孫亂藤穿井口流水到籬根惆悵不堪住空山月又昏

田家

柳宗元

摩食徇所務驅牛向東阡鷄鳴村巷白夜色歸暮田札札耒耜聲飛飛來鳥鷀竭茲筋力事持用窮歲年

朱陳村詩

白居易

徐州古豐縣有村曰朱陳去縣百餘里桑麻青氛風機梭聲札札牛驢走紆紆女汲澗下水男采山上薪縣遠官事少山深民俗淳有財不行商有丁不入軍家家守村業頭白不出門生爲陳村人死爲陳村塵田中老與幼相見何欣欣一村惟兩姓世世爲婚姻親疎居有族少長游有羣黃鸝與白酒歡會不隔旬生者不遠別嫁娶先近鄰死者不遠葬墳墓多遊邨既安生與死不苦形與神所以多壽考往往見元孫我生禮義鄉少小孤且貧徒學辨是非祇自取辛勤世法貴名教士人重冠婚以此自枉枯信爲大謬人十歲解讀書十五能屬文二十舉秀才三十爲諫臣

下有妻子累上有君親恩承家與事國望此不肖身
憶昨旅游初迄今十五春孤舟三適楚羸馬四經秦
畫行有飢色夜寢無安魂東西不暫住來往如浮雲
離亂失故鄉骨肉多散分江南與江北各有平生親
平生終日別逝者隔年聞朝憂臥至暮夕哭坐達晨
悲火燒心曲愁霜侵鬢根一生苦如此長羨陳村民

村行

杜牧

春半南陽西柔桑過村塢裏垂柳風點點迴塘雨
黃唱牧牛兒籬窺倚裙女半濕解征衫主人饋鷄黍

雍陶城西訪友人

許渾

澧水橋邊小路斜日高猶未到君家村原門巷多相
似處處春風枳殼花

村舍

前人

尚平多累自歸難一日身閒一日安山徑晚雲收獵
網水門涼月掛漁竿花間酒氣香風遠竹裏暮聲夜
雨寒三頃水田秋更熟北牕誰拂舊塵冠

題獨孤處士村居

薛逢

江上園廬荆作扉男驅耕犢婦鳴機林密當戶萬蘿
暗桑柘繞村蒼翠肥後畝稻田還謂業兩閒却舍亦
言歸何如一被風塵染到老云云相是非

鄂杜郊居

溫庭筠

權離芳樹近樵家麥隴青青一徑斜寂寞遊人寒食
後夜來風雨送梨花

村居晏起

于漬

村舍少閒事日高猶閉關起來花滿地戴勝鳴桑間
居安即未業何者為故山朱門與蓬戶六十頭盡班
尋陸鴻漸不遇

釋皎然

移家雖帶郭野徑入桑麻近種籬邊菊秋來未著花
叩門無大吠欲去問西家報道山中去歸來每日斜

村居

宋文與可

日影滿松窗雲開雨初止晴林梨栗熟曉巷兒童喜
牛羊深澗下鳬鴈寒塘裏田父酒新成瓶甕饋鄰里
陳季常所蓄朱陳村嫁娶圖二首 蘇軾
何年顧陸丹青手畫作朱陳嫁娶圖聞道一村惟兩
姓不將門戶買崔盧

二

我是朱陳舊使君勸耕曾入杏花村而今風物那堪
畫縣吏催錢夜打門

汪溪村舍即事

金朋說

剝宦初歸後巖前有舊籬依山稀種竹引水旋栽荷
地僻紅塵少身閒白日多清風溪谷畔猶憶舞雩歌
宿十里村 元何中

朝出順承門暮宿十里村臂鷹獵騎歸積雪明郊原
居人喜客來汲井鄰牆溫羹湯稍暖熱餅餌亦燒燔
此夕羈旅意深知路人思重林隱城堞望此勞心魂

題東村西舍

明沈周

吳城東望吳江北中有東村侍郎宅亭臺散落歌管
空九十餘年盡荆棘結茅結屋居者誰白頭孫子青
甌客山分水割纔六畝剛與鄰家共春色莫公村在
猶舊姓詹老書存尚真跡兒年六十翁八十幸有冠
裳隨杖屨手栽橘刺漸成籬眼見松梢盈尺桂圓
蘭汀春復秋林霏潤霽常朝夕歲晏將歸范蠡船家
貧尚捧毛郎檄公侯復始古所貴貴不在官元在德
平泉竹石今安論豈患有無與失得南村張氏無子

孫碧謝朱頹竟砂磧東村勝事君看取應似許田同
趙璧更謝王門坦腹郎謝家燕子猶相識

賦黃葉漁村

袁凱

澤國西風霜樹多蕭條茅屋倚江波家人酒饌兼蝦
菜野老衣裳雜芰荷東海任公時問信滄浪孺子亦
來歌白鷗亦有忘機意清影相看奈爾何

村居二首

錢明相

閒倚繩牀看落暉疎林烟靄草微雲邊丘隴牛羊
下水外兼葭雁鷺飛白草亂填村舍路清霜濃綴野
人扉無端短鬢垂垂老暫得幽棲願莫歸

二

一村茅屋鎖寒烟塢園原非負郭田亂後蔬殮聊卒
歲秋來禾黍幸逢年疎燈夢落蒼松曉短榻霜寒白
雁前屈指交遊吾獨老不堪貧病臥江天

陪龍司理及白榆社諸公宿竹魚莊

汪道貫

軒車暇日此徘徊賓客欣逢鄴下才網集澄潭初饌
入坐依修竹一尊開莫愁檻外長天暮招得池頭好
月來丙夜狂呼猶飲酒不知東閣曙光催

滿庭芳 村莊

明陳繼儒

五鹿山邊晉文投塊至今漳水依然使君住此花木
已多年妝點亭臺橋道長消受夜月秋煙莊前後赤
城綠野場圃又鈎連 斜陽新雨外蘼青菱熟鷺醉
鷗眠忽村墟牧唱野外鐘傳一片風光似畫界不定
江北江南相隨去筆牀茶竈同上釣魚船

邨莊部選句

梁元帝詩遠邨雲裏出遙船天際歸
北周庾信詩有城仍舊縣無樹即新邨
唐高適詩舊宅帶流水平田臨竹邨
杜甫詩澗水空山道柴門老樹村又懶慢無堪不出
邨呼兒自在掩柴門
王維詩野老纔三戶邊村少四鄰
許渾詩野店歸山路危橋帶郭邨
譚用之詩暮雨千家薛荔邨
項斯詩新春城外路舊隱水邊邨
朱王安石詩高下數家村又百里見漁艇萬家藏水
邨
蘇軾詩扁舟一櫂歸何處家在江南黃葉邨
陸游詩山重水複疑無路柳暗花明又一邨又雪嶠
梅邨一徑斜蒨櫓烟少兩三家
元丁鶴年詩獨木橋邊薛荔門全家移住水雲邨

村莊部紀事

燕山叢錄漢昭烈宅在涿州樓桑村昭烈在民間所
居有桑屑陰如樓曰樓桑今尚在其下畱題甚多
南史隱逸傳顧歡吳興鹽官人也好學通解陰陽書
爲數術多效驗山陰白石村多邪病村人告訴求哀
歡往村中爲講老子規地作獄有項見狐狸龍龜自
入獄中者甚多即命殺之病者皆愈

寰宇記歙縣有昉村俗說任昉爲新安太守因行春
至此愛其雲溪綠源尋幽累日不返百姓因名其溪
爲昉溪溪旁村爲昉村村旁有山近故北野縣每山
上石墜則不利縣官縣廢後其事亦止大中十年刺
史盧潘改曰任公村任公溪

北史李子雄傳育子愔與從父兄普濟並應秀才舉
時人謂其所居爲秀才村
流求傳國有四五帥統諸洞洞有小王往往有邨邨
有鳥丁帥自相樹立主一邨之事

隋書李德饒傳德饒性至孝後甘露降於庭樹有鳩
巢其廬納官楊達巡省河北詣其廬弔慰之因改所
居邨名孝敬邨

開元天寶遺事李昊遷洛陽令嚴刑峻法民吏畏服
縣之積弊果盡革之踰月之中縣務清簡時有進士
劉衆赴舉上都舍于邨邨至夜中聞戶外街衢中有
數人相語曰李令今古正人也吾輩見其行事威猛
令人破膽此中不可久居宜遷于他邑可求血食也
兼訝其事遂啓門視之寂無影響方知乃邑之妖神
也衆遂書贊一首于邨邨之壁云役吏畏威縣妖被
膽好錄政聲聞于御覽後明皇旌其能賜金百兩及

章服焉

太平廣記崔護舉進士不第清明獨遊都城城南得邨
居花木叢萃叩門久有女子自門隙問之對曰尋春
獨行酒渴求飲女子啓關以盃水至獨倚小桃柯佇
立而意屬殊厚崔辭起送至門如不勝情而入後絕
不復至及來歲清明徑往尋之戶扁無人因題詩于
左扉云去年今日此門中人面桃花相映紅人面不
知何處在桃花依舊笑春風後數日復往尋之有老
父出曰吾女笄年知書未適人自去年已來常恍惚
若有所失比日與之出及歸見左扉有字讀之入門
而病遂絕食數日死得非君耶殺吾女持崔大哭崔
感慟請入臨見其女儼然在牀舉其首枕其股哭而
祝曰某在斯須與開目復活老父大喜遂以女歸之
窮幽記裴晉公午橋莊小兒坡茂草盈里晉公每使
數羣羊散于坡上曰芳草多情賴此粧點
唐書李德裕傳蜀先主祠旁有孫邨其民剔髮若浮
屠者畜妻子自如德裕下令禁止

清異錄余衛命渡淮入廣陵界維舟野次縱步至一
邨園有碧蘆方數畝中隱小室榜曰秋聲館時甚愛
之不知誰家之別墅意主人亦雅士也
聞見後錄先人宰陝之芮城縣一邨落皆李氏蓋唐
之遺族高祖微時嘗居其地有故宅基
歸州有昭君邨邨人生女無美惡皆灸其面白州有
綠珠邨舊井尚存或云飲其水生美女邨人竟以瓦
石實之豈亦以二女子所遭爲不祥邪
黃州府志杏花邨在岐亭有杏林杏泉陳季常隱居
處旁爲蘇步橋子瞻與季常遊宴其上

真臘風土記每一邨或有寺或有塔人家稍密亦自有鎮守之官名為買節大路上自有歇息如郵亭之類其名為森木近與暹人交兵遂皆成曠地

渌水亭雜識齋堂邨在西山之北百餘里產畫眉石處也元豫章熊自得借崇真張真人往居撰燕京志歐陽元功張仲舉皆有詩送之元功詩云先生去隱齋堂邨境趣佳處如桃源西出都門二百里山之盤屋水浩疊一重一掩一聚落一溪十渡深而渾羊腸險逕掛山腹蜂房小屋粘雲根立當扼塞若關隘視入衍沃同川原市朝甚邇俗塵遠土產雖少人烟繁

鉏耨藝陸宜菽麥樹柵作園收雞豚闢蔬地美夏不燥煤炭價賤冬常溫前年熊郎人賣藥施貧者藥人感恩熊君攜笈今就子繞舍木葉書續縉崇真真人又繼往况是偃佺之子孫紫簫夜吹遼鶴至林響谷應松風喧登高東望直沽口海日湧出黃金盆應憐曼倩戀家閑坐羨龐公歸鹿門仲舉詩云燕垂趙際中有邨正在西湖之上源源頭落花每流出亦有浴鳧時在臺隱君茸茅揀幽勝髣髴小莊如陸渾環之蒼松數十樹拔出太古虛無根攢峯疊壁何盤盤地多磽礧少平原先生生計雖苦薄最喜靜無人事繁黃精本肥木苗脆疆場有瓜牢有豚吟詩作畫百不理一家笑語長春溫功名祇遺世途累飽煖已荷皇天恩近聞京志將脫囊賣穿百氏手自繙朱黃堆案墨滿硯鈔寫况有能書孫雲晴輒尋羽客去穀熟方來山鳥喧土牀炕煖石窯炭黍酒香注田家盆要知精舍白鹿洞不待公車金馬門

備遺錄練子軍幼從鄉長者竹莊先生遊竹莊命賦

水竹邨居有千山暮雨石泉過一夜春雷簾龍長之句竹莊甚奇之

西州合譜唐元常為王洪洲侍御館甥侍御愛其才館穀之子家已而侍御分沁邨宅傍梅竹十畝為元常卜居戊午春堂成古梅晚花燕竹早笋余十宿元常之舍有贈新居詩云欲邀風月更何地長與琴尊對此君元常屬書之壁是歲秋及辛酉壬戌癸亥又數過皆再宿聯牀夜話往往達旦

邨莊部雜錄

吳興記上若邨下若邨俱出美酒

輿地記蜀青城山老人邨溪多枸杞根飲其水故壽顏氏家訓吾嘗從齊王幸并州自井陘關入上艾縣東數十里有獵閭邨不識本是何地博求古今皆未能曉及檢字林韻集乃知獵閭是舊獵餘聚屬上艾夷白齋詩話家住夕陽江上邨一灣流水繞柴門種來松樹高千屋借與春禽養子孫此葉唐夫先生江邨詩也先生生于洪武間家江邨橋故有是作其詩多警句此尤可喜云

語林陸贄知舉放崔羣後羣知舉陸氏子簡理被黜羣妻李夫人曰子弟成長益置莊園公曰今年已置三十所矣謂知舉所放三十人也夫人曰君非陸相門生乎若以君為良田則陸氏一莊荒矣析津日記十里邨見元人何太虛詩當在彰義門外今其知其處矣

事物原始說文云邨墅也莊者藏書之義江寧府志杏花邨在城中西南隅鳳凰臺下今為曉

騎營國初人不知有邨也近日居人有丈尺之地必栽杏一二株日以漸多每春暖風和杏花爛熳時都人爭攜榼核盤遊其間如在錦雲之內荆公詩云故園時平見喬木荒城人少半為邨書以志感姚世昌暇筆所載如此今民居雖稠喬木凋謝絕無所謂杏花但留邨名耳甲古之士感更何如

太倉州志黃姑邨去張涇關渡東南三里相傳牽牛織女二星降其地織女以金篋劃河水湧牽牛不得渡土人因立祠今俗呼織女廟廟西有水名百沸河黃姑者河鼓也猶桑落反語為索郎宋龔宗元住邨內

浙江通志世傳西施隨范蠡去因杜牧有西子下姑蘇一舸逐鴟夷之句而附會也及觀墨子曰西施之沉其美也蓋吳亡之後西施亦死于水墨子去吳越之世甚近必得其真又傳西施生于諸暨芋蘿邨考芋蘿邨在蕭山邑南門去三十里蕭山舊名餘暨訛傳為諸暨之餘因傳西施諸暨人蕭諸兩地皆有芋蘿山浣紗石獨芋蘿邨之前後有粧臺山浴美施開雖皆後人好事者名之而芋蘿邨在蕭山則西施之生蕭山無疑也

邨莊部外編

靈怪錄兗州王鏗性剛鷙無所憚畏常凌侮鬼神開元中乘醉往莊去郭三十里會日暮長林下見一婦人問鏗所往請寄一襪而忽不見乃開襪觀之皆紙錢枯骨之類鏗笑曰愚鬼弄爾公策馬前去忽見十餘人相聚向火時天寒日已昏鏗下馬詣之話適所見皆無慮者鏗視之向火之人半無頭有頭者皆有血衣鏗驚懼上馬馳去夜艾方至莊莊門已閉頻敲無人出繞大叫罵俄有一奴開門鏗問曰奴婢輩今並何在處奴云十日以來一莊七人疾病相次死盡鏗問汝且如何日亦已死矣向者聞郎君起屍來耳因忽顛仆即無氣矣鏗大懼走投別邨而宿周歲卒

第一百三十二卷目錄

旅邸部彙考

易經

旅邸部藝文一

上客舍議

旅邸部藝文二詩

客居

下邦客舍喜叔孫主簿鄭少府見過

盤屋客舍

過章秀才洛陽客舍

同耿漳宿陸邊旅舍

除夜長安客舍

商州客舍

宿江店

旅舍書事二首

春淮寓舍

曹南旅次

旅邸部紀事

旅邸部雜錄

旅邸部外編

考工典第一百三十二卷

旅邸部彙考

易經

旅卦

旅者客寄之名羈旅之稱失其本居而寄他方謂之旅旅序卦豐大也窮大者必失其居故受之以旅豐盛至於窮極則必失其所安旅所以次豐也爲卦離上艮下山止而不遷火行而不居違去而不處之象故爲旅也又麗乎外亦旅之象吳氏曰旅非商賈之謂凡客於外者皆是也

旅小亨旅貞吉

旅旅羈旅也山止於下火炎于上爲去其所止而不處之象故爲旅以六五得中於外而順乎上下之二陽艮止而離麗於明故其占可以小亨而能守其旅之貞則吉旅非常居若可苟者然道無不在故自有其正不可須臾離也全雲峯胡氏曰山止而不動旅館之象火動而不止旅人之象象曰旅小亨柔得中乎外而順乎剛止而麗乎明是以小亨旅貞吉也

旅困之時非陽剛中正有助於下不能致大亨也所謂得在外之中中非一揆旅有旅之中也止麗于明則不失時宜然後得處旅之道全大進齋徐氏曰一柔在外而處二剛之中是羈旅之人交於強有力者苟非善處卑則取辱高則招禍解不失矣惟於止知其止無私交无暗事非賢不主非善不與止而麗乎明也夫如是內不失己外不失人雖在旅困亦可小亨得旅之正而吉也

旅之時義大矣哉

天下之事當隨時各適其宜而旅爲難處故稱其時義之大全大雲峯胡氏曰難盡者旅之義難處者旅之時此其時義之所以爲大

象曰山上有火旅君子以明慎用刑而不留獄

大建安丘氏曰山者火之所旅久則延燒獄者囚徒之所旅留則淹滯旅有行而不處之象故火不可使久處於山囚徒不可使久留於獄也

初六旅瑣瑣斯其所取災

六以陰柔在旅之時處于卑下是柔弱之人處旅困而在卑賤所存污下者也志卑之人既處旅困鄙猥瑣細無所不至乃其所以致悔辱取災咎也

象曰旅瑣瑣志窮災也

程志意窮迫益自取災也

六二旅即次懷其資得童僕貞

二有柔順中正之德柔順則衆與之中正則處不失當故能保其所有僮僕亦盡其忠信雖不若五有文明之德上下之助亦處旅之善者也次舍旅所安也財貨旅所資也僮僕旅所賴也得就次舍懷畜其資財又得僮僕之貞良旅之善也不云吉者旅寓之際得免於災厲則已善矣本即次則安懷資則裕得其僮僕之貞信則无欺而有賴旅之最吉者也二有柔順中正之德故其象占如此全大童溪王氏曰次旅之居也資旅之用也僮僕旅之役走者也旅即次則其所舍也有其居懷其資則有所畜也有其用得僮僕則其所以奔走而服

役也又有其人旅道何修而得此哉蓋以六居二之爲正故也

象曰得童僕貞終无尤也

程 羈旅之人所賴者童僕也既得童僕之忠貞終無尤悔矣

九三旅焚其次喪其童僕貞厲

程 處旅之道以柔順謙下爲先三剛而不中又居下體之上與艮之上有自高之象在旅而過剛自高致困災之道也自高則不順於上故上不與而焚其次失所安也上離爲焚象過剛則暴下故下離而喪其童僕之貞信謂失其心也如此則危厲之道也

象曰旅焚其次亦以傷矣以旅與下其義喪也

程 旅焚失其次舍亦以困傷矣以旅之時而與下之道如此義當喪也在旅而以過剛自高待下必喪其忠貞謂失其心也在旅而失其童僕之心爲可危也

九四旅于處得其資斧我心不快

程 四陽剛雖不居中而處柔在上體之下有用柔能下之象得旅之宜也以剛明之才爲五所與爲初所應在旅之善者也然四非正位故難得其處止不若二之就次舍也有剛明之才爲上下所與乃旅而得貨財之資器用之利也雖在旅爲善然上無陽剛之與下惟陰柔之應故不能伸其才行其志其心不快也

象曰旅于處未得位也得其資斧心未快也

大 中溪張氏曰九四雖在近君之地而處于羈旅

之中此其所以未得位也縱得其資斧之利而以剛居柔未得盡行其志故我心未快也

六五射雉一矢亡終以譽命

程 六五有文明柔順之德處得中道而上下與之處旅之至善者也人之處旅皆合文明之道可謂善矣羈旅之人動而或失則困辱隨之動而无失然後爲善離爲雉文明之物射雉謂取則於文明之道而必合于射雉一矢而亡之發無不中則終能致譽命也譽令聞也命福祿也五居文明之位有文明之德故動必中文明之道也五君位人君無旅旅則失位故不取君義

象曰終以譽命上遠也

程 有文明柔順之德則上下與之速與也在旅而上下與之所以致譽命也

上九鳥焚其巢旅人先笑後號咷喪牛于易凶

程 鳥飛騰處高者也上九剛不中而處最高又離體其亢可知故取鳥象在旅之時謙降柔和乃可自保而過剛自高失其所宜安矣巢鳥所安止焚其巢失其所安无所止也在離上爲焚象陽剛自處於至高始快其意故先笑既而失安莫與故號咷輕易以喪其順德所以凶也牛順物喪牛于易謂忽易以失其順也

象曰以旅在上其義焚也喪牛于易終莫之聞也

程 以旅在上而以尊高自處豈能保其居其義當有焚巢之事方以極剛自高爲得志而笑不知喪其順德於謙易是終莫之聞謂終不自聞知也使自覺知則不至於極而號咷矣

旅邸部藝文一

上客舍議

晉潘岳

謹按逆旅久矣其所由來行者賴以頓止居者薄收其直交易貿遷各得其所官無役賦因人成利惠加百姓而公無末費語曰許由辭帝堯之命而舍於逆旅春秋外傳曰晉陽處父遇寧戚于逆旅魏武皇帝亦以爲宜其詩曰逆旅整設以通商賈然則自堯至今未有不得客舍之法唯商鞅尤之此固非聖世所言也乃今四海會同九服納貢八方翼翼公私滿路近畿輻輳客舍亦稠冬有溫廬夏有涼蔭芻秣成行器用取給疲牛必投乘涼近進發福寫鞍皆有所託又諸刼盜皆起于迴絕而止乎人衆十里蕭條則奸先生心連陌接館則寇情震懾且聞聲有救已發有追不救有罪不追有戮禁暴捕亡恆有司存凡此皆客舍之益而官權之所乏也又行者食路告罄炊爨皆以昏晨盛夏晝熱又兼星夜既限早閉不及權門或避晚關進逐路隅祇是慢藏誨盜之原苟以客舍多敗法教官守棘離獨復何人彼河橋孟津解汾輪錢高第督察數入校出品郎兩岸相檢猶懼或失之故懸以祿利計以功報今賤吏疲人獨專權稅官開閉之權藉不校之勢此道路之蠹奸利所殖也率歷代之舊俗獲行雷之歡心使客舍灑掃以待征旅擇家而息豈非衆庶願顧之望

旅邸部藝文二詩

客居

唐杜甫

客居所居堂前江後山根下
塹萬尋岸蒼濤鬱飛翻
蔥青衆木梢邪豎雜石痕
子規晝夜啼壯士斂精魂
峽開四千里水合數百源
人虎相半居相傷終兩存
蜀麻久不來吳鹽擁荆門
西南失大將商旅自星奔
今又降元戎已聞動行軒
舟子候利涉亦憑節制尊
我在路中央生理不得論
臥愁病廢徐步視小園
短畦帶碧草帳望思王孫
鳳隨其風去離雀暮喧繁
覽物想故國十年別荒村
日暮歸幾翼北林空自昏
安得覆八溟爲君洗乾坤
稷契易爲力寇敵何足吞
儒生老無成臣子憂四番
篋中有舊筆情至時復援
下邳客舍喜叔孫主簿鄭少府見過

耿漳

整屋客舍

前人

寂寥荒壘下客舍雨微微
門見苔生滿心慙吏到稀
籬花看未發海燕欲先歸
無限堪憫悵誰家復擣衣
過章秀才洛陽客舍

姚倫

達人心自適旅舍當閑居
不出來時徑重看讀了書
晚山嵐色近斜日樹陰疎
盡是忘言客聽君誦子虛
同耿漳宿隆禮旅舍

盧綸

當軒雲月開清夜故人榻
擁榻覺霜下抱琴聞屬來
迎風君顧步臨路我遲迴
雙鬢共如此此歡非易陪
除夜長安客舍

歐陽詹

十上書仍疑如流歲又遷
望家思獻壽算甲恨長年

虛隔傳寒柝孤燈照絕編
誰應問窮轍泣盡更潸然

商州客舍

孟郊

商山風雪壯遊子衣裳單
四望失道路百憂攢肺肝
日短覺易老夜長知至寒
淚流滿湘弦調苦屈宋彈
識聲今所易識意古所難
聲意今証辨高明鑒其端
宿江店

張籍

野店臨江浦門前有橘花
停燈待買客賣酒與漁家
夜靜江水白路迴山月斜
閒尋泊舟處潮落見平沙
旅舍書事二首

明麗佑

過却春光獨掩門
滿愁更有酒盈樽
孤燈聽雨心多感
一劍橫空氣尚存
射虎何年隨李廣
開雞中夜舞劉琨
平生家國繁懷抱
濕盡青衫總淚痕

二

菲屋三間白板扉
樓遲四壁嘆多違
揚雄投閣功名薄
王粲登樓事業非
白晝夢回梁燕語
青天目送塞鴻歸
東門黃犬華亭鶴
舉世無人悟此機

春淮寓舍

陶安

官久忘羈思門幽
類隱居懷園天地象
辭壁帝王書秋徑霜
前菊朝盤雨後疏
西風吹短髮歸夢
驚馬來初

曹南旅次

陳策

客子無端賦遠遊
天涯寥落不禁秋
草深孤館蛙聲急
雨過高城樹色幽
鴻雁北來催朔信
白雲南去亂鄉愁
回看此夜虹亭月
誰對清光共酒籌

旅邸部紀事

史記齊太公世家師尚父東就國道宿行遲逆旅之人曰吾聞時難得而易失客寢甚安始非就國者也太公聞之夜衣而行至國萊侯來伐與之爭營丘說苑鄭桓公東會封於鄭暮舍於宋東之逆旅逆旅之叟從外來曰客將焉之曰會封於鄭逆旅之叟曰吾聞之時難得而易失也今客之寢安始非封也鄭桓公聞之援轡自駕其僕接漸而載之行十日夜而至釐何與之爭封故以鄭桓公之賢微逆旅之叟幾不會封也

國語陽處父如衛反過襄舍於逆旅寧羸氏羸謂其妻曰吾求君子久矣乃今得之羸而從之陽子道與之語及山而還其妻曰子得所求而不從之何其懷也曰吾見其貌而欲之聞其言而惡之夫貌情之華也言貌之機也身爲情成於中言身之文也言文而發之合而後行離則有費今陽子之貌濟其言匪非其實也若中不濟而外彊之其卒將復中外易矣若外內類而言反之讀其信也夫言以昭信事之如機歷時而發之胡可瀆也今陽子之情謹矣以濟蓋也且剛而主能不本而犯怨之所聚也吾懼未獲其利而及其難是故去之期年乃有賈季之難陽子死之列于黃帝舊籍朱過宋東之干逆旅逆旅人有妾二人其一人美其一人惡惡者貴而美者賤楊子問其故逆旅小子對曰其美者自美吾不知其美也其惡者自惡吾不知其惡也楊子曰弟子記之行賢而去自賢之行安往而不愛哉

史記商君列傳秦孝公卒太子立公子虔之徒告商